

Na osnovu članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona" broj 7/10), na prijedlog Ministarstva za boračka pitanja, Vlada Zeničko-dobojskog kantona na 207. sjednici, održanoj dana 05.03.2015. godine, d o n o s i

ZAKLJUČAK

I.

Usvaja se Izvješće o odobrenim novčanim sredstvima, odnosno utrošku sredstava sa proračunske pozicije Ministarstva za boračka pitanja namjenjenih za potrebe branitelja i članova njihovih obitelji tijekom 2014.godine, Ministarstva za boračka pitanja kao obrađivača.

II.

Izvješće iz točke I ovog Zaključka, nalazi se u prilogu i čini sastavni dio Zaključka.

III.

Zaključak stupa na snagu danom donošenja.

Broj: 02-_____ /15.

Datum 05.03.2015. godine

Z e n i c a

PREMIJER

Munib Husejnagić, dipl.ing.maš

DOSTAVLJENO:

1x Ministarstvo za boračka pitanja,

1x Ministarstvo finansija,

1x a/a.

**Bosna i Hercegovina
Federacija Bosne i Hercegovine
Zeničko-dobojski kanton**

MINISTARSTVO ZA BORAČKA PITANJA

IZVJEŠĆE

o odobrenim novčanim sredstvima, odnosno utrošku sredstava sa proračunske pozicije Ministarstva za boračka pitanja namjenjenih za potrebe branitelja i članova njihovih obitelji tijekom 2014. godine

Zenica, veljača 2015. godine

I. UVODNI DIO

U realizaciji Zakona o izvršenju proračuna ZDK u 2014. godini, na prijedlog Ministarstva za boračka pitanja Vlada Kantona je Zaključkom broj: 02-14-5710/14 od 12.03.2014.godine usvojila Program utroška sredstava Proračuna Zeničko-dobojskog Kantona za 2014. godinu planiranih na razdjelu Ministarstva za boračka pitanja.

Navedeni Program utroška dopunjen je Zaključkom o dopuni Programa utroška sredstava Proračuna Zeničko-dobojskog Kantona za 2014. godinu planiranih na razdjelu Ministarstva za boračka pitanja broj : 02-14-12073/14 od 12.06.2014.godine, kojim je omogućeno raspolaganje sredstvima u svrhu dodatne pomoći poplavljenim područjima, te izmjenjen i dopunjen Zaključkom o izmjenama i dopuni Programa utroška sredstava Proračuna Zeničko-dobojskog Kantona za 2014. godinu planiranih na razdjelu Ministarstva za boračka pitanja broj: 02-14-18189/14 od 12.09.2014.godine, kojim je vršeno usklađivanje Programa utroška sa izmjenama podzakonskih akata.

Odlukama Ministarstva financija o prestrukturiranju rashoda broj: 07/03-02-14-2421-15-1/14 od 26.08.2014.godine, 07/03-02-14-14835-3-1/14 od 29.08.2014.godine i 07/03-02-14-14835-4-1/14 od 08.10.2014.godine, a na prijedlog ovoga Ministarstva, određen je konačni raspored sredstava na razdjelu Ministarstva.

Sljedeća tabela sadrži pregled o odobrenim i utrošenim proračunskim sredstvima u 2014.godini, a na osnovu naznačenog Programa utroška sredstava:

Ek. kod	Sub analitika	Grantovi pojedincima Grantovi neprofitnim organizacijama Kapitalni grantovi drugim nivoima vlasti	Iznos transfera KM	Izvršenje KM	%
614200		Grantovi pojedincima	8.497.625,00	4.937.982,38	58,11%
	OAD 201	Medicinska rehabilitacija	216.700,00	212.709,00	98,16%
	OAD 202	Stipendiranje studenata- branilaca i članova njihovih porodica	1.477.500,00	1.450.400,00	98,17%
	OAD 203	Podizanje nišana/nadgrobnih spomenika šehida / poginulih branilaca i umrljih	14.775,00	7.659,00	51,84%
	OAD 204	Sredstva za rad branilačkih udruženja	394.000,00	313.136,71	79,48%
	OAD 205	Ortopedska i druga pomagala	157.600,00	101.036,87	64,11%
	OAD 206	Sufinanciranje učešća u takmičenjima invalidskog sporta	78.800,00	59.700,00	75,76%
	OAD 207	Sufinanciranje organiziranja takmičenja i sportskih manifestacija	78.800,00	35.500,00	45,05%
	OAD 208	Pomoć u rješavanju stambenog pitanja	1.955.500,00	297.637,00	15,22%
	OAD 212	Pomoć u slučaju smrti branilaca i članova njihovih porodica	544.750,00	402.913,80	73,96%
	OAD 213	Vanredna novčana pomoć	894.000,00	819.150,00	91,63%
	OAD 214	Pomoć za liječenje i nabavku lijekova	744.000,00	578.700,00	77,78%
	OAD 216	Jednokratno novčano primanje osobama sa naročitim zaslugama	19.700,00	600,00	3,05%
	OAD 219	Sredstva za izgrdanju spomen obilježja vezanih za OOR	50.000,00	6.000,00	12,00%
	OAD 220	Pomoć za nabavku udžbenika za redovno obrazovanje	558.500,00	548.250,00	98,16%
	OAD 222	Transfer za podsticaj zapošljavanja branilaca i članova njihovih porodica	1.214.500,00	6.090,00	0,50%
	OAD 223	Zdravstvena zaštita neosiguranih lica	98.500,00	98.500,00	100,00%
614300		Grantovi neprofitnim organizacijama	51.220,00	3.865,68	7,55%
	OAX 001	Ocjena tjelesnog oštećenja	11.820,00	3.865,68	32,70%
	OAX 002	Profesionalna rehabilitacija	39.400,00	0,00	0,00%
615100		Kapitalni transferi drugim nivoima vlasti	197.000,00	4.500,00	2,28%
		UKUPNO	8.745.845,00	4.946.348,06	56,56%

II. POJAŠNJENJE UTROŠKA PO POJEDINIM TRANSFERIMA

614200 - GRANTOVI POJEDINCIMA

a) Medicinska rehabilitacija – OAD 201

1. **Visina odobrenih sredstava:** 216.700,00 KM
2. **Svrha transfera:** Medicinska rehabilitacija branitelja i članova njihovih obitelji
3. **Pravni osnov:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o medicinskoj rehabilitaciji branilaca i članova njihovih porodica u banjsko-klimatskim lječilištima ("Službene novine Zeničko-dobojskog kantona" broj 4/14);
 - Zaključci Vlade Kantona broj 02-41-2080/04 od 28.01.2004.g. i 02-37-1137/07 od 17.01.2007.god. o odobravanju zaključenja ugovora i aneksa ugovora sa ustanovama koje pružaju usluge banjsko-klimatskog liječenja ;
 - Ugovor Ministarstva sa JZU «Aquaterm» Olovo, broj: 13-41-2570/04 od 05.02.2004.g. sa aneksima;
 - Ugovor Ministarstva sa JU RRC «Fojnica» Fojnica, broj: 13-41-2619/04 od 06.02.2004.g. sa aneksima;
 - Ugovor Ministarstva sa JZU Centar za fizikalnu medicinu, rehabilitaciju i banjsko liječenje "Ilidža" Gradačac, broj: 13-41-2877/04 od 10.02.2004.g. sa aneksom.

Slanje pripadnika branilačke populacije na rehabilitaciju vrši se u vremenskom periodu od 14 dana. Na medicinsku rehabilitaciju u objekte JU RRC "Fojnica" i JZU "Aquaterm" Olovo upućeno je ukupno 323 pripadnika branilačke populacije, za što je utrošeno 210.483,00 KM ili 97,13% raspoloživih sredstava.

Ustanovama koje pružaju ovu vrstu usluge nisu isplaćeni računi ispostavljeni u 2013.godini, a koji terete Proračun 2013.godine u ukupnom iznosu od 31.654,00KM. Isto je uzrokovalo prekide u slanju korisnika na medicinsku rehabilitaciju, kao i nemogućnost korištenja usluga JZU "Ilidža" Gradačac u 2014.godini.

b) Stipendiranje studenata –branilaca i članova njihovih porodica – OAD 202

- 1) **Visina odobrenih sredstava:** 1.477.500,00 KM
- 2) **Svrha transfera:** Stipendiranje studenata – branitelja i članova njihovih obitelji za studij na visokoškolskim ustanovama.
- 3) **Pravni osnov:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o stipendiranju redovnog studija branilaca i članova njihovih porodica ("Službene novine Zeničko-dobojskog kantona" broj 4/14);
 - Konačne liste Ministarstva za boračka pitanja o izboru kandidata za dodjelu stipendije u studijskoj 2013/2014. godini po općinama Kantona.

Ugovor o stipendiranju sklopljen je sa 1.334 studenata. Utrošeno je 1.450.400,00 KM odnosno 98,17% raspoloživih sredstava.

Isplaćene su tri od osam potrebnih rata stipendija.

c) Podizanje nišana/nadgrobnih spomenika šehida/poginulih branilaca i umrlih –OAD 203

- 1) **Visina odobrenih sredstava:** 14.775,00 KM

2) Svrha transfera:

- Izrada i postavljanje jedinstvenog spomen-obilježja šehidima/poginulim braniteljima, pripadnicima OSRBiH i drugih spomen-obilježja poginulim i umrlim pripadnicima OS u proteklom domovinskom ratu;
- Naknada troškova podizanja nišana/nadgrobnog spomenika pripadniku OS RBiH koji je poginuo ili umro kao učesnik u obrani BiH u proteklom domovinskom ratu i koji je sahranjen na području Kantona, odnosno RS, a koji je bio na evidenciji nadležnog vojnog organa u općinama Kantona.

3) Pravni osnov:

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 4/14);

Sa ovog transfera vršen je utrošak sredstava za refundiranje troškova podizanja spomen-obilježja poginulim braniteljima po prispjelim zahtjevima članova obitelji.

Za podizanje 7 nišana /nadgrobnog spomenika šehida/ poginulih branitelja i umrlih, utrošeno je 7.659,00 KM ili 51,84% raspoloživih sredstava.

d) Sredstva za rad branilačkih udruženja – OAD 204

1) **Visina odobrenih sredstava:** 394.000,00 KM

2) **Svrha transfera:** Financiranje rada udruga pripadnika braniteljske populacije organiziranih na kantonalnom nivou i ostalih programskih aktivnosti udruga.

3) Pravni osnov:

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona" broj 4/14).

Raspodjela sredstava ovog transfera određena je na osnovu brojnosti članova, programa rada i aktivnosti kantonalnih udruga u 2013. godini.

Prema Odlukama Ministarstva broj: 13/03-3-1-14-7073/14 od 20.05.2014. godine i 13/03-3-1-14-7073/14 od 07.10.2014.godine vršilo se redovno mjesečno financiranje devet udruga.

Za redovno financiranje udruženja utrošeno je 229.200,00 KM ili 58,17% raspoloživih sredstava.

Za ostale programske aktivnosti udruženja utrošeno je 76.250,00 KM ili 19,35% raspoloživih sredstava.

Iz ovog transfera vrši se i plaćanje zakupa prostorija tri udruge, a za navedenu namjenu kroz 2014.godinu utrošeno je 7.686,71KM odnosno 1,95%.

Sumarno, iz proračuna Kantona za 2014. god. utrošeno 313.136,71 KM, odnosno 79,48 %.

e) Ortopedska i druga pomagala – OAD 205

1) **Visina odobrenih sredstava:** 157.600,00 KM

2) **Svrha transfera:** Financiranje nabavke ortopedskih pomagala za potrebe branitelja i članova njihovih obitelji.

3) Pravni osnov:

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 3/08 i 5/13);

Sa ovog transfera vršena je nabavka ortopedskih pomagala prema zahtjevima 10 branitelja, te utrošeno 4.5963,87 KM odnosno 2,92% raspoloživih sredstava.

Prema Zaključcima Vlade broj: 02-14-16182/14 od 14.08.2014.godine i 02-14-16159/14 od 14.08.2014.godine, raspisan je javni poziv za dodjelu ugovora, a za nabavku invalidskih kolica, robot liftera i antidekubitalnih jastuka za potrebe RVI - paraplegičara RVI, te je za ovu namjenu utrošeno 96.400,00KM odnosno 61,17% raspoloživih sredstava.

Sumarno je utrošeno 101.036,87KM, odnosno 64,11% sredstava.

f) Sufinanciranje učešća u takmičenjima invalidskog sporta - OAD 206

1) **Visina odobrenih sredstava:** 78.800,00 KM

2) **Svrha transfera:**

- Financiranje takmičarskih aktivnosti invalidskih klubova
- Financijska pomoć Savezu za sport i rekreaciju ZDK, Savezu sjedeće odbojke ZDK i asocijacijama košarke u kolicima i sjedeće odbojke FBiH, odnosno Bosne i Hercegovine;
- Financiranje takmičarskih aktivnosti košarkaških invalidskih klubova i reprezentativnih selekcija prilikom učešća na pozivnim turnirima u inozemstvu;
- Financiranje takmičarskih aktivnosti RVI sportista na međunarodnim takmičenjima i takmičenja u pojedinačnim sportovima na državnom, federalnom i kantonalnom nivou.

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14).

Redovno financiranje takmičarskih klubova i saveza vršeno je prema Odlukama Ministarstva broj: 13/03-2-3-14-5830-2/14 od 03.04.2014. godine; 13/03-2-3-14-5830-3/14 od 03.04.2014. godine i 13/03-2-3-14-5830/14 od 03.04.2014. godine. Za redovno financiranje utrošeno je 54.000,00 KM ili 54,00% od iznosa planiranog proračunom.

Sufinancirano je i drugih sedam projekata u ukupnom iznosu od 5.700,00 KM ili 7,23% iznosa planiranog proračunom.

Ukupan iznos sredstava plasiranih po ovom transferu je 59.700,00 KM ili 75,76% .

g) Sufinanciranje organiziranja takmičenja i sportskih manifestacija – OAD 207

1) **Visina odobrenih sredstava:** 78.800,00 KM

2) **Svrha transfera:** Troškovi organiziranja takmičenja i manifestacija povodom obilježavanja značajnih datuma u Kantonu vezanih za domovinski rat, kao i značajnih datuma iz NOR-a.

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14);
- Kalendar obilježavanja značajnih datuma iz proteklog odbrambeno - oslobodilačkog rata (akt Ministarstva);

Tijekom 2014. godine iz planiranih sredstava financirano je 19 značajnih manifestacija, a u skladu sa Programom utroška sredstava za 2014. godinu.

Ukupno je utrošeno 35.500,00 KM ili 45,05 % od iznosa planiranog proračunom.

h) Jednokratna novčana sredstva za rješavanje stambenog pitanja pripadnika branilačke populacije – OAD 208

1) **Visina odobrenih sredstava:** 1.955.500,00 KM

2) **Svrha transfera:** Stambeno zbrinjavanje branitelja i članova njihovih obitelji putem:

- izgradnje stambenog objekta s ciljem trajnog stambenog rješavanja;
- kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;
- sanacije i adaptacije stambenog objekta;
- prilagođavanja stambenog objekta posebnim potrebama ratnih vojnih invalida;
- naknade troškova obavljenih notarskih poslova u cilju prijenosa vlasništva nad stanovima dodjeljenim na korištenje braniteljima i članovima njihovih obitelji.

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o rješavanju stambenih pitanja branilaca i članova njihovih porodica ("Službene novine Zeničko-dobojskog kantona" broj 4/14);
- Odluka o odobravanju prijenosa vlasništva na stanovima dodjeljenim na korištenje braniocima i članovima njihovih porodica („Službene novine Zeničko-dobojskog kantona“ broj 11/06).

Prvobitno Proračunom usvojeni iznos sredstava od 2.462.500,00KM umanjen je Odlukama Ministarstva financija broj: 07/03-02-14-2421-15-1/14 od 26.08.2014.godine i 07/03-02-14-14835-4-1/14 od 08.10.2014.godine.

Sredstva na navedenom transferu trošena su po zahtjevima dostavljenim preko općinskih službi, a koji su iziskivali hitno rješavanje. Na ovaj način potpomognuto je stambeno zbrinjavanje 17 pripadnika braniteljske populacije u ukupnom iznosu od 85.500,00KM

Dio sredstava utrošen je po Zaključku Vlade broj 02-14-18861/13 od 06.09.2013.godine, kojim je isplaćena i druga rata namjenjena stambenom zbrinjavanju pripadnika braniteljske populacije u suradnji sa Općinom Zenica.

Navedeni transfer teretio je i Zaključak Vlade broj 02-14-16569/14 od 21.08.2014.godine kojim je pomognuto stambeno zbrinjavanje branitelja nastradalih u elementarnim nepogodama, projekt „Šerići“ izveden u suradnji sa općinom Zenica.

Ukupno je potpomognuto stambeno zbrinjavanje 37 pripadnika braniteljske populacije, te utrošeno 297.637,00 KM ili 15,22% raspoloživih sredstava.

i) Pomoć u slučaju smrti branilaca i članova njihovih porodica – OAD 212

1) **Visina odobrenih sredstava:** 544.750,00 KM

2) **Svrha transfera:** naknada troškova dženaze/sahrane branitelja i članova njihovih obitelji

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14).

Za ovu namjenu isplaćena su sredstva za 561 osobe, odnosno utrošeno je 402.913,80 KM ili 73,96% raspoloživih sredstava.

j) Vanredna novčana pomoć – OAD 213

1) **Visina odobrenih sredstava:** 894.000,00 KM

2) **Svrha transfera:** Novčana pomoć pripadnicima braniteljske populacije u varednim slučajevima

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o pomoći braniocima i članovima njihovih porodica koji se nalaze u teškoj socijalno-ekonomskoj situaciji ("Službene novine Zeničko-dobojskog kantona" broj 4/14).

Prvobitno Proračunom usvojeni iznos sredstava od 594.000,00KM za ovaj transfer uvećan je Odlukom Ministarstva financija o prestrukturiranju rashoda broj: 07/03-02-14-2421-15-1/14 od 26.08.2014. godine.

Pomoć u vanrednoj situaciji odobrena je za 2.540 pripadnika braniteljske populacije, za što je utrošeno 819.150,00 KM ili 91,63% raspoloživih sredstava.

k) Pomoć za liječenje i nabavku lijekova – OAD 214

1) **Visina odobrenih sredstava:** 744.000,00 KM

2) **Svrha transfera:** naknade troškova specijalističkih pregleda, nabavke lijekova i sanitetskog materijala za potrebe ratnih vojnih invalida, u cilju liječenja rana i povreda posljedično vezanih za učešće u ratu; liječenje i nabavka lijekova za potrebe branitelja i članova njihovih obitelji.

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za braniocce i članove njihovih porodica ("Službene novine Zeničko-dobojskog kantona" broj 3/08 i 5/13);
- Odluka o financiranju Zeničko-dobojskog kantona ("Službene novine Zeničko-dobojskog kantona" broj 16/97);

Prvobitno Proračunom usvojeni iznos sredstava od 594.000,00KM za ovaj transfer uvećan je Odlukom Ministarstva financija o prestrukturiranju rashoda broj: 07/03-02-14-2421-15-1/14 od 26.08.2014. godine.

Ukupno je odobreno 1.339 podnešenih zahtjeva, za što je utrošeno 578.700,00KM ili 77,78% raspoloživih sredstava.

l) Jednokratno novčano primanje osobama sa naročitim zaslugama – OAD 216

1) **Visina odobrenih sredstava:** 19.700,00 KM

2) **Svrha transfera:** Jednokratno novčano primanje osobama sa naročitim zaslugama.

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o novčanoj naknadi dobitnika ratnih priznanja i odlikovanja za vrijeme nezaposlenosti ("Službene novine Zeničko-dobojskog kantona" broj 4/14).

S ovog transfera odobrena je pomoć za 3 dobitnika ratnih priznanja, odnosno utrošeno 600,00KM ili 3,05% raspoloživih sredstava.

m) Transfer za izgradnju spomen obilježja – OAD 219

1) **Visina sredstava:** 50.000,00 KM

2) **Svrha transfera:** Sufinanciranje izgradnje spomen-obilježja vezanih za domovinski rat

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o financiranju Zeničko-dobojskog kantona („Sl. novine ZDK“ broj 16/97).

Usvojenim Proračunom na ovom transferu nisu bila predviđena sredstva te je ovaj transfer uvećan je Odlukom Ministarstva financija o prestrukturiranju rashoda broj: 07/03-02-14-2421-15-1/14 od 26.08.2014. godine.

Sredstvima sa ovog transfera ukupno je potpomognuta izgradnja dva spomen-obilježja na području Kantona. Ukupno je utrošeno 6.000,00 KM odnosno 12,00% raspoloživih sredstava.

n) Pomoć za nabavku udžbenika za redovno obrazovanje - OAD 220

1) **Visina odobrenih sredstava:** 558.500,00 KM

2) **Svrha transfera:** Pomoć pripadnicima braniteljske populacije za nabavku udžbenika za redovno školovanje

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o prednosti u školovanju branilaca i članova njihovih porodica ("Službene novine Zeničko-dobojskog kantona" broj 4/14).

Prvobitno Proračunom usvojeni iznos sredstava od 492.500,00KM za ovaj transfer uvećan je Odlukom Ministarstva financija o prestrukturiranju rashoda broj: 07/03-02-14-14835-3-1/14 od 29.08.2014. godine.

Navedenim prestrukturiranjem osigurana su sredstva za isplatu svih pravno utemeljenih zahtjeva, te je ova vrsta pomoći odobrena i isplaćena za 4.290 korisnika.

Ukupno je sa ovog transfera utrošeno 548.250,00 KM odnosno 98,16% raspoloživih sredstava.

o) Transfer za podsticaj zapošljavanja branilaca i članova njihovih porodica – OAD 222

1) **Visina odobrenih sredstava:** 1.214.500,00 KM

2) **Svrha transfera:** poticaj aktivnih mjera zapošljavanja razvojačenih branitelja.

3) **Pravni osnov:**

- Zakon o pravima demobiliziranih branilaca i članova njihovih porodica ("Službene novine Federacije Bosne i Hercegovine" broj 61/08, 27/08 i 32/08);
- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);

Prvobitno Proračunom usvojeni iznos sredstava od 1.280.500,00KM za ovaj transfer umanjen je Odlukom Ministarstva financija o prestrukturiranju rashoda broj: 07/03-02-14-14835-3-1/14 od 29.08.2014. godine.

Uočavanjem smanjenog priliva sredstava u proračun kantona obustavljena je realizacija projekta zapošljavanja koji je planiran u suradnji sa Zavodom za zapošljavanje ZDK, jer isti iziskuje jednokratnu uplatu cjelokupnih raspoloživih sredstava, a isto je ocijenjeno kao neizvršivo.

S ovog transfera, a u svrhu sufinanciranja stručnih i/ili završnih ispita za 7 pripadnika braniteljske populacije, utrošeno je 6.090,00KM odnosno 0,50% predviđenih sredstava.

p) Zdravstvena zaštita neosiguranih lica – OAD 223

1) **Visina odobrenih sredstava:** 98.500,00 KM

2) **Svrha transfera:** zdravstvena zaštita branitelja neosiguranih po drugom osnovu

3) **Pravni osnov:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 3/08 i 5/13)

Utrošak sredstava na ovom transferu izvršen je po Zaključku Vlade ZDK broj 02-14-24987/14 od 18.12.2014.godine u iznosu od 98.500,00KM ili 100% raspoloživog iznosa.

614300 - GRANTOVI NEPROFITNIM ORGANIZACIJAMA

a) Ocjena tjelesnog oštećenja – OAX 001

- 1) **Visina odobrenih sredstava:** 11.820,00 KM
- 2) **Svrha transfera:** Naknade za rad komisija za davanje nalaza i mišljenja o procentu vojnog invaliditeta, oštećenjima organizma i nesposobnosti za rad i privređivanje, u postupku rješavanja o pravima po Zakonu o pravima branilaca i članova njihovih porodica.
- 3) **Pravni osnov:**
 - Zakon o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05 i 70/07) – članovi 46. i 47;
 - Zakon o osnivanju Instituta za medicinsko vještačenje zdravstvenog stanja ("Službene novine Federacije Bosne i Hercegovine" broj 70/07);
 - Ugovor Ministarstva za boračka pitanja sa Institutom za medicinsko vještačenje zdravstvenog stanja o obavljanju poslova medicinskog vještačenja u postupku za utvrđivanje prava iz oblasti branilačko-invalidske zaštite.

Od predviđenih sredstava, utrošeno je 3.865,68 KM, odnosno 32,70 % planiranih sredstava.

b) Profesionalna rehabilitacija – OAX 002

- 1) **Visina sredstava:** 39.400,00 KM
- 2) **Svrha transfera:** Profesionalna rehabilitacija na osnovu preostale radne sposobnosti ratnih vojnih invalida, dobitnika ratnog priznanja ili odlikovanja i razvojačenih branitelja
- 3) **Pravni osnov:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Pravilnik o načinu ostvarivanja prava po osnovu preostale radne sposobnosti, akt ministra Ministarstva za boračka pitanja broj 02-02-21713/07 od 09.05.2008. godine.

Sredstva sa ovog transfera nisu utrošena tijekom 2014.godine.

(Kapitalni grantovi drugim nivoima vlasti)

- 1) **Visina sredstava:** 197.000,00 KM
- 2) **Svrha transfera:**
 - pomoć za izgradnju kolektivnih stambenih objekata branitelja i članova njihovih obitelji,
 - pomoć za izgradnju infrastrukture naselja branitelja i članova njihovih obitelji;
 - pomoć za završetak izgradnje centralnih spomen-obilježja općinama Kantona;
- 4) **Pravni osnov:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o rješavanju stambenog pitanja branilaca i članova njihovih porodica ("Službene novine Zeničko-dobojskog kantona" broj 4/14).
 - Odluke Vlade Federacije BiH o izdvajanju sredstava iz Budžeta FBiH i zaključci Vlade Kantona o odobravanju sredstava, na prijedlog Ministarstva za boračka pitanja.

Dopunom Programa utroška Ministarstva na ovom transferu omogućeno je odobravanje pomoći u svrhu sanacije šteta nastalih usljed elementarne nepogode, a za općinske službe pogođenih općina koje obavljaju poslove iz domena branilačko-invalidske zaštite, te udrugama braniteljske populacije iz navedenih općina.

Sredstva su odobrena na osnovu Zaključaka Vlade ZDK broj: 02-14-13738/14 od 03.07.2014.godine i 02-14-15011/14 od 25.07.2014.godine. Ukupno je utrošeno 4.500,00 KM ili 2,28 % raspoloživih sredstava.

III. ZAKLJUČAK

Tijekom 2014. godine izvršeno je plaćanje 50 računa po izvršenim narudžbama roba i usluga u ukupnom iznosu od 27.624,65 KM.

Programom utroška sredstava Proračuna Zeničko-dobojskog Kantona za 2014. godinu planiranih na razdjelu Ministarstva za boračka pitanja od predviđenih 8.745.845,00KM u izvještajnom periodu utrošeno je 4.946.765,56KM odnosno 56,56%.

Smanjena potrošnja na razdjelu Ministarstva prvenstveno je rezultat slabog priliva sredstava u Proračun Kantona, čime je onemogućena realizacija planiranih aktivnosti (programa i javnog poziva) na transferima: jednokratna novčana sredstva za rješavanje stambenog pitanja pripadnika branilačke populacije; transfer za podsticaj zapošljavanja branilaca i članova njihovih porodica, te kapitalnim grantovima drugim nivoima vlasti.

Ministarstvo se opredjelilo neprovoditi ove projekte obzirom da je stanje neplaćenih ispostavljenih naloga iz proračuna 2012. i 2013. godine na današnji dan 1.074.244,30KM.

Zenica, 25.02.2015. godine

Ministar:

Nedžad Lokmić